

02 心適的迫迫物仔

田美瑜

講著迫迫物仔，你會想著啥物咧？這馬佇運動埕上時行的，是改良過的軟式飛盤。有一站仔，囡仔佇教室誠愛要指頭仔干樂。這站仔個上愛要的，是一種對外國時行過來的物件，叫做『slime』的迫迫物仔，因為黏黏閣軟軟，有人共伊號做「鼻屎蟲」。

其實，鼻屎蟲這種迫迫物仔，原本佇兩年前就捌時行過。彼陣囡仔攏是去簍仔店買，一罐細細罐就愛七、八十鎊，實在是貴參參。有當時材料無蓋好，閣會牢佇課本抑是鉛筆盒仔面頂，實在真癩癢。

想袂到這改革鼻屎蟲閣開始時行矣，不過，這擺是囡仔家已做鼻屎蟲。材料真簡單，是厝裡就有的物件，親像水膠、白膠、洗髮精抑是齒膏，攏會使成做鼻屎蟲的材料。頂工看囡仔提一罐白膠搨一寡佇盒仔內，閣準備一點點仔水，開始用尺佇遐摺摺咧。一觸久仔，鼻屎蟲就做好矣。

有人會較工夫，希望鼻起來有芳味，按呢著愛閣濫一寡洗髮精抑是齒膏入去。啊若是愛色緻較好看，有人嘛會摻水彩落去，嘛有人會摻指甲花抑是掖一寡金粉落去。所以有人的鼻屎蟲是紺色的，有的是粉紅仔色，有的黃金，嘛有的陪陪，隨在囡仔按怎做攏會使，閣會使予囡仔加添

一寡想像力，莫怪這馬閣時行起來。

看囡仔遐爾愛要，我嘛真好玄，共個借一個來要看覓。鼻屎蟲摸起來水水，不過用無仝材料，成品摸起來的手感就無啥仝款。雖然做鼻屎蟲的大部份攏是查某囡仔，毋過有的查埔囡仔嘛會綴個做伙要。

有一擺，我共鼻屎蟲 phoo 佇我的面冊，面友攏感覺真心適，嘛引起真濟討論。有一个面友的囡仔咧讀國小，面友講伊閣會恰囡仔做伙做，這嘛是一種陪伴囡仔的方法喔。伊嘛共伊做的鼻屎蟲相片 phoo 出來，伊做的色水誠嬭。逐家攏真好玄，伊是用啥物材料去做的？因為逐家做出來的鼻屎蟲，有的像樹奶糖仝款軟收收，有的就較有。逐家一句來一句去，認真的態度袂輸囡仔。朋友嘛成做逐家的顧問，實在是有夠趣味的啦！